



Jon Domenic Parolini, Dr. sc. techn. ETH
Cussegliaer guvernativ
Quaderstrasse 17, 7001 Cuira
Tel. 081 257 27 01
jondomenic.parolini@ekud.gr.ch
www.ekud.gr.ch

Departament d'educaziun, cultura e protecziun da l'ambient dal
Grischun, schef da departament, Quaderstrasse 17, 7001 Cuira

Direcziuns da las instituziuns da la
scolaziun speziala (senza HPD)

Cuira, ils 26 da mars 2020

Vegnir a frida cun COVID-19 en la scolaziun speziala

Stimadas dunnas e preziads signurs

En connex cun il dumagnar la situaziun pertutgant la pandemia da COVID-19 vul il Departament d'educaziun, cultura e protecziun da l'ambient sustegnair las instituziuns da la scolaziun speziala.

En l'emprim feagl d'infurmaziun agiuntà "Massnahmen der Sonderschulung im Zusammenhang mit COVID 19" chattais Vus las directivas per la realisaziun resp. las regulaziuns en las instituziuns da la scolaziun speziala, spezialmain areguard la tgira.

Las instrucziuns d'agir n'èn per part betg identicas cun quellas da l'Uffizi da sanadad dal Grischun per chasas da dimoras per umans cun impediments sco er per chasas d'uffants e giuvenils. Ellas sa basan però sin las directivas da l'Uffizi federal da sanadad publica, èn vegnidas consultadas cun l'Uffizi da sanadad chantunal è resguardan la situaziun da partenza particulara da las instituziuns da la scolaziun speziala.

Nus essan avisads sin in agir precaut en il rom da las directivas sco er sin la cooperaziun da tuts participads. Oravant tut èsi indispensabel da respectar strictamain las prescripziuns d'igièna, quai tar tuttas furmas da tgira.

En in segund feagl d'infurmaziun agiuntà "Fernunterricht für Schülerinnen und Schüler der Integrativen Sonderschulung" chattais Vus infurmaziuns impurtantas davart la repartiziun da las incumbensas tranter pedagogas curativas resp. pedagogs curativs e las personas d'instrucziun da classa durant il temp d'instrucziun a distanza.

Nus sperain d'uschia pudair gidar a sclerir dumondas impurtantas en connex cun l'incumbensa da las instituziuns da la scolaziun speziala. Per cas ch'i duess en l'ulteriur decurs dar dumondas, As supplitgain nus da drizzar quellas al stab da crisas ch'è il chanal uffizial. L'adressa d'e-mail chattais Vus sin il feagl d'infurmaziun.

Nus As engraziain cordialmain per Voss sustegn ed engaschament en questa situaziun extraordinaria ed As giavischain vinavant buna sanadad.

Salids amicabels

Dr. Jon Domenic Parolini
Cussegliaer guvernativ